

QUÆSTIO MEDICA.

QUODLIBETARIIS DISPUTATIONIBUS
manè discutienda in Scholis Medicorum
die Jovis 13. Novembris.

M. JOANNE-CLAUDIO DELARBRE,
Doctore Medico, Præside.

Suntne Diuretica hydropis præcipua remedia?

I.

UT sanguinis optima constitutio, ejusdemque justa & secundum naturam instituta *ἡσυχία*, non tantum maximi ad longiorem vitam est momenti, verum ad sanitatis integritatem conservandam, functiones omnes ritè obeundas, & ad benè beatèque vivendum multum confert: Ita prævum ejus temperamentum symptomatum Iliadem invehit, vitæ longioris spem adimit, totiusque individui perniciem ac ruinam continuo minatur: nisi tandem ex prudentis Medici consilio, propriis remediis administratis, emendetur, adeo ut debita naturæque conveniens sanguinis *ἡσυχία* restituatur. Quid enim præstantius; quid optabilius partium simularium laudabili temperie, organicarum exactâ symmetriâ, corporis constanti integritate, functionum omnium, (quibus cæteris animantibus antecellit homo) absolutâ perfectione, totius hominis firmâ valetudine: hæc sunt sanguinis optimè temperati commoda. Quid verò pejus, quid deterius partium intemperie & ametriâ, corporis deformitate, functionum depravatione, totius hominis infirma valetudine? Sanguinem intemperatum hæc mala sequuntur, quibus dum quis implicatur, vitam nonnisi tædiolosam & à quocunque gaudio liberam ducit. His tamen non frustra occurret, si affectu plane perspecto, rectus atque conveniens remediorum selectus, quantitas idonea, utendi

2

ratio congrua, cuinam scilicet parti illa admovenda, & per quæ loca humor morbum committens, abigendus instituitur.

I I.

INTER corporis affectus diris sævisque symptomatis illud excruciantes, non multum sese efferunt illi, qui à nimia superfluâque humiditate originem ducunt. Ex iis non infrequenter accidit hydrops, qui etiamsi symptomatibus admodum urgentibus ægotantem non divexet, eum tamen sensim sine sensu, ob maximam redundantis humoris colluviem, vires dejiciendo ac obruendo, in maximum vitæ discrimen conjicit, ac nihil, nisi fatale moriendi necessitatem brevi subeundam, sperandum relinquit: Neglectis præsertim in principio adminiculis, quibus talis affectus ulterius progredi prohibetur, hinc rectè quidem poëta principiis obsta, serò medicina paratur, dum mala per longas invaluere moras. Ab aquâ vulgò nomen accepit hydrops, unde latinis aqua intercus, vel aqua intercutem dicitur, & in genere aquosi ac serosi humoris abundantiam & collectionem significat: ob quam corpus vel pars ejus præter naturam intumescit. Unde affectus ille morbus in serò vel pituitâ extra sua vasa effusus, hinc in corporis habitu vel cavitate quavis præter naturam collectis appositè definiendus venit.

I I I.

HYDROPS tumor est vel totius corporis ab humore, vel ut sæpissime, ventris tum à sero tum à flatu. Ille à pituitâ tamquam à causa conjuncta originem habens, totius corporis exterioris, aut quarumdam extremarum partium, tumor est albus, mollis, tactui cedens, & foveam ab impressione relinquens, leucophlegmatia seu Anasarca dicitur. Hic duplex, alter ab utrisque figurâ ascites; alter à distenso & instar tympani sonante abdomine, tympanites appellatur. Hujus affectus materia unanimi omnium consensu superflua humiditas in massâ sanguineâ dignoscitur. Verum de ipsius causâ inter se multi dissentiant, alii enim cum Hippocrate frigidam hepatis intemperiem accusant, ob hæmatosum scilicet depravatam, quam ipsi falsò tribuunt: quibuscunque, ait Divinus senex, aqua repletum hepâr, ipsam in omentum profundit, inde alvus repletur. Quidam eundem Aristotelemque sequuti, lienem assignant. Ille enim, splen, inquit, aquam ad se trahit è ventriculo, & si plus traxerit quam oportet, homo statim affligitur. Hic vero, lien, ait, superfluas humiditates di-

vertit & attrahit è ventriculo, ut qui sanguineus est. Alii obstructionem modo illius, modo hujus visceris, vel renum esse volunt: Alii cum Fernelio nimiam vasorum refectionem ac disruptionem esse contendunt: sed adeo dissentientes auctores conciliabis, si cum frigida totius corporis ac potissimum sanguinis intemperie, has permultasque alias ac penè infinitas causas assignaveris.

I V.

VIRIUM nimia exolutio ut plurimum à spirituum dissipatione, nihil nisi damnum viventibus afferre solet, hinc non rarò Lipothymia, Syncope, Paralysis, Apoplexia, Lethargus, omnes denique affectus, quorum causam, frigidam plurimi suspiciantur intemperiem: hinc caloris nativi, cujus originem Divinam cœlestem ac in spiritu æthereo subsistentem existimant nonnulli; sensim fit dissipatio, & (ut ait divinus senex) ad ruinam defluens frigidus redditur corpus, ac tandem in perniciem agitur. Hinc functionum omnium, ineunte morbo, non solum imminutio, sed progressu temporis grassante, manifesta depravatio & ut plurimum abolitio oriuntur. Inde prava ac vitiosa humorum colluvies inâ cum Chylo in ventriculo cumulatur, mala in ejusdem Chyli distributione sanguini assimilatio, laudabilis alimenti in singulis partibus, vix ulla conversio, imo ob continuam spirituum dissipationem earundem extenuatio ac tabes sensim contingit. Hinc actionum animalium languor ac vacillatio, obstructiones non infrequentes, nullâ fere excrementorum expulsio, ex quibus tandem plerumque hydrops oboritur, cui legitime succurrere tentabis, si unâ cum diureticis, convenientioribus catharticis adhibitis, superfluos vitiososque humores expurgaveris, obstructiones reseraris, idoneaque alterantia in usum adduxeris, quibus depravata illi temperies evanescat ac tandem sanguis pro vitâ tuendâ ejusque functionibus ritè obeundis aptior restituatur.

V.

CONFIRMATI jamque inveterati hydropis curatio non rarò frustra suscipitur, ut qui à perenni status aut humoris vel etiam utriusque generatione factus, causam habet, insignem viscerum disruptionem totiusque temperamenti corruptelam: quàm viribus ægotantis adhuc vigentibus, & naturali temperie nondum manifestè immutatâ operosam quidem sed non dubiam solutionem admittat. Humoris pituitosi vel serosi cum flatu permixti vacuatio, maximam in hydrope sanabili curatio-

nis partem constituit, &, ut olim prodidit Heraclitus, tota curationis ratio est, ut ex pluvîa fiat serenitas, nimia scilicet corporis humiditas exsiccetur. Adeo ut omni arte illa debeat promoveri per vias naturæ convenientiores & humori morbifico consentaneas. Nimia quippe serosi humoris abundantia, ut hydropi nomen tribuit, ita plerumque ejus est causa conjuncta; feri enim secretionem præpeditâ, ejusdem fit in vasa refluxus & propter cibum potumque continuò advenientem copia major: inde vasorum nimia distensio, mox ruptio aut saltem διαμίσθως; adeo ut citiùs vel serius extra vasa serum effusum in corpore, unde tandem hydrops colligatur. Contra vero dum admirabili naturæ solertia singulis diebus ejusdem feri in renibus fit secretio, per calcunculas papillares transcolatio, in vesicam expulsio, ac per urinas expurgatio, hydropi vix unquam ulla præbetur occasio. Quis itaque naturæ, (quæ morborum verè medica est) imitator, quod ipsa vergit humores non ducat ad omnem hydropem perferendum cæterisque remediis diuretica non anteponat? quorum ope tota morbi materia per urinas faciliùs possit evacuari.

Sunt ergo Diuretica hydropis præcipua remedia.

Domini Doctores disputaturi.

M. Ludovicus Poirier.

M. Petrus Bonnet, Regina Familiae Medicus ordinarius.

M. Joannes-Baptista-Renatus Moreau.

M. Nicolaus Pellerier.

M. Renatus le Comte.

M. Franciscus Afforty.

M. Guillelmus Petit, Serenissimi Francorum Delphini Medicus primarius.

M. Rolandus Merlet.

M. Stephanus le Gaigneur.

Proponebat Parisiis GUYDO-ERASMUS EMMERÉZ,
Parisinus, Baccalaureus Medicus. A. R. S. H. 1681.

Apud Franciscum Muguet, Regis & Facultatis Medicinæ
Typographum.